

آبونه شرائطی

داخلی ، خارجی هریر ایچون
سنه لکی (۲۵۰) ، آلتی آیلق
(۱۳۰) غروشدر .

[نسخہ سی ۵ غروش ،
سنه لکی ۵۲ نسخہ در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسلكه موافق آثار مع الممنونیه
قبول اولنور . درج ایدله یین
یازیلر اعاده اولوغاز .

تشریح

دینی ، فلسفی ، علمی ، ادبی هفته لق مجموعه اسلامیه در

والله یهدی من یشاء الی صراط مستقیم

باش محرر
محمد عاکف

صاحب و مدیر مسئول
اشرف ادیب

اتبعون اهدکم سبیل الرشاد

عدد : ۳۸۱

۳۰ صفر ۱۳۳۷

پنجشنبه

۵ تشرین ثانی ۱۳۳۴

جلد ۱۵

ایسه روح دخی بنیه به نسبتله اودر ، دیه سویله یانله قارشی :
« خایر .. خایر .. اوله دکل ؟ آهنگ ، عودی اداره ایدمه من ؟
حابوکه روح ، بالعکس بدنه بیورور ؟ ایستدیک کی ، وایسته دیک
سمته طوغرو یوروتور حتی ایسترسه تولدورورده ، دیورودی ..
فقط سقراط ، مسئله نیک براهینی ، تلید بهمتاسی احکیم متبحر افلاطونک
قدرت علمیه سنه تودیع ایتدی .

قبل المیلاد [۳۴۷] ده وفات ایدن آنتلی افلاطونک و جهان
عرفانده شو (اک ایلاک اقامه می) مؤسسینک بقای روح حقنده اقامه
ایتدیک برهانلر چوقدر ، بللی باشلیلری ده اون بردر .

بزوراده انجق شو آتیده کیلرینی اجمالاً قیدایله اکتفا ایدمه جکر :
(۱) روحک تعقیب ایتدیک غایه فضیلتدر . روح انجق بوغایه نیک
عاشق و شیداسیدر . هویت عضویه ایسه بالعکس حظوظ ولذایذ
بهیمیه منهکدر . شوحالده روحک شوغایات عضویه عکسنه اوله رق
انسلاخ و تجرده طوغرو پرورده ایدوب طور دینی میل متجسر ،
آتی ده ، لایزالده کچیریله جک حیاتک دوره اعدادیه سندن باشقه برشی
دکدر .

(۲) علم ، حقایق اشیا به نافذ نفس ناطقه نیک اثیری حرکاتیدر .
بناء علیه روح طبعاً طینی دکدر که بدنه برانکده تفسخ ایدمه بیلسون .
(۳) اوکر نیک - افلاطونک زعمنه کوره - تحطوره ملکه و عمارسه
پیدا ایتکدر . بر معلوم ، تلیدینه قارشو حقیقت حالده ملقن و ملقح
دکدر . بالعکس که برقادیته نسبتله برقابله نه ایسه بر تلیدنه قارشو بر
معلم دخی عینی حال و وضعیتدر . خاطرات ایسه ماضی بر حیاتک
آثار باقیه سندن باشقا نه اوله بیلیر ؟

- فلاطون روحده بالکز بقا دکل ، ازلیت دخی اعتقاد ایله یان
فلاسفیدن اولدیفندن شوریهانی ، اواعتقادینه کوره قورممشدر .
بناء علیه بونک اوزون اوزادی به ایضاح و تفصیلی اثر مزده آروجه
بر فصل تشکیل ایله جک قدردر . -

(۴) هر شئی ، فکره ویردیک انطباعتک ایدر . روح ایسه فکره
انجق حیات ذهنیتی ویریهور ؟ دیمک که حیاتدر ، حیات ناصل تولور ؟
(۵) روح ، بنیه ده حاملدر ؟ بناء علیه کال نوعیدن طوغره بر
آهنگ عضویت اوله ماز . کوریورز که بدنیز ، بنیه من ، اعضا من ،
روحمنک بازیچه سیدر . روحمن حتی اراده ایدر ایسه بدنیز اعدامده
ایدمه بیلیر . شوحالده هویتده مستقلدر . یعنی بدنن آیری بر
جوهریتده در . بنابرین بدنک تفسخیه علاقه دار اوله ماز ..

افلاطونک بقای روحه نه قدر اهمیت ویرمش اولدینی ،
(قوانین) ننده (Lois) یازیلی شو حکیمانه سوزلرندن ده اکلایلیر .
اوراده بریرنده بویه دیور :

روح ، قدسی الجوهردر . الیرر که لوث علایقندن منز به حالده
اوله رق بر کره قفس بدنن قورتولسون ، همان اصلنه شتابان بر عنصر
کی در حال قاف قدسیته طوغرو اوچار ، چیقار .

ایچون قابل نفوذ اولماق له برابر انسان بوتون عرفانندن ، بوتون ایمانندن
و بالنتیجه بو عرفان و ایمانک کنیسنه تأمین ایدمه جکی مادی ، معنوی
بوتون سمادندن محروم قالمق فلاکتی قارشیسندن او حقیقتله
عن صمیم القلب اینامق مجبوریتنده در .

یوقاریدن بری سویلنن سوزلردن شونتیجه چیقور : مسلمان او
کیسه در که سیاسی اولدینی قدر اجتماعی بولان بوتون حقوق ووظائف
حریت ، عدالت ، تعاضد مادی اسلامیه سندن نشأت ایتمش بولمه جق .
او مبدألر که کنیدیلری ده بالذات عقائد و اخلاق اسلامیه دن ظهور
ایلمشدر .

ایشته بووظائفک ایفاسنه ، بو حقوقک مدافعه سنه وسی ایتدیک
قدر چالیشمق صورتیه در که انسان یکانه معبود بالحق ایله اونک صوک
پیغمبرینه اولان ایمانک صمیمیتی اثبات ایدمه بیله جک و بونک انتاج
ایدمه جکی مسمودیت مادی و معنویه دن مستفید اوله رق مکافاتی
کوره جکدر .

او حالده مسلمانلرک الیملری حقیرینی ، وظیفه لرینی دیکر لرندن
دها یوکسک ، دها مکمل بر صورتده ادراک ایدرک اونلردن دها کوزل
ایفا و مدافعه ده بولانلر اوله جقدر .
صوک

فلسفه

لایموتیت روح

- ۲ -

لایموتیت روح L'Immortalité de l'âme و یا خود (بقای بعد -
الموت) (La Vie future) مسئله سی ، فلسفه ده نه تاریخندن بری
اخذ موقع ایتمشدر ؟ و بللی باشلی صفحاتی ایله دوره لری قاجدر ؟
ذات مسئله ، عقیده اوله رق بک اسکیدر . دینه بیلیر که افکارک
تاریخ انکشافندن بریدر ؟ قدیم هندک ، مصرک ، ایرانک نصوص عتیقه سی
وله اسکی مصر لیرک تولورینه کوستر دکلی عظیم اعتنالك و بالخاصه
[فتح الفم] راسمه دینه سنک تحلیلات استثناییه سی ، شو عقیده یی
ماضینک قورقونج ظلماتنه قدر کتیریور .

فلسفه ده ایسه علمی بر مسئله اوله رق اخذ موقع ایله یلی انجق
سوقراطدن بریدر . مدینه الزبتون (آتنه) ک شوفیلسوف فاضلی ، روحی
بدندن و بنیه دن آیری بر هویت مغایره مالک بر جوهر مستقل اوله رق
بیلمش و حتی قبل المیلاد (۴۰۶) ده غروب شمسه یقین بر وقته
توله جکندن اول دائراً مادرانده طوبلادینی طلبه سیله انجق شو
مسئله طایفه عائد مذاکرات ایله ختم انفاس ایلمشدر . سوقراطک حیات
علمی سادده فیلسوفانه دکل ، عینی زمانده شارحانه ایدی ..
افلاطونک شو استاد شهرت شعاری ، « آهنگ ، عوده نسبتله نه

عینی اثرنده بشقه بریرنده ایسه بویه یازیور :

« اولیمیک محیط عدالتنده ای لروکوتیلر مکافات و مجازات کوره . جگر درد : سن ای بشر ! ایستر ارضک قورقونج اوچوروملری قارا کاکلرند کوزلره کورونمز برذره قدر کوچول ! ایستر کوکلره قدر بوی آتمی بر دیو قدر بویو ! یوکسهل ! « عدل عظیم » ک شعاع ناظری آلتندن هیچ بروسيله ايله قاچوب قورتوله مازسک ! « مع مافیه نه قدر غریبدرکه افلاطونه قدر بقای روح ، فلسفه نظرند (حیات طبیعی) نك بر مابعدی ، براستطالهی کپی تاقی ایدیلوردی ؛ روح ایچون فوق الطبیعه بقا ، بقای معنوی (آریستوت) دن بری باشلا یور .

قدیم اسکندریه مکتبی Les alexandrins ، آرسطوی بقای روحه معارض و معترض فلاسفه میاننده صایمن ایسه ده ابن رشد مکتبی Les averroistes اسکندریونک شوزهابی تخطئه ایدرک حکیم مشار الیهی بالتعکس بقای روحه قائل اساطین حکمانک صف اولنه کچیرمشدر .

بوندن صوکره دیانت مسیحیه نك ظهوريله مسئله ، ایکنجی دوره سنه کیریور . وبر قطعت اعتقادیه صفحه سنه بورونیور ؛ چونکه اسفار موسویه ، حیات اخروی ايله همان هیچ بر علاقه حقیقه پرورده ایتماشدر .

لکن غرایبندرکه (بقای بعدالموت) ايله مهم واساسی علاقه لر بسله یان دین کریم مسیحینک شکل حاضری ، عقاب مادییه قائل اولدینی حالده حظوظ نعیمییه معترف دکدر . برکت ویرسون که نصوص فرقانیه ، ادیان نازله نك صحت تاریخیه سنی بو منطق سزلکدن قورتارمش یعنی نعیمه ده ، جعیمه ده قائل اولمشدر .

شو ایچنده بولوندیغمز اوچنچی دوره ده ایسه مسئله ، خطری ، تهسکلی بر زمینده در . فلسفه ، مسئله سنک تراکتی تقدیر ایتیش ودها بویوک بر بصیرت و احتیاط ايله داورانرق مناقشه یی آنجق امکان ايله عدم امکان آراسنده اداره ایتمیه باشلامشدرکه علمک جدیدته یاقیشانده بمحک آنجق شو قدریدر .

فلسفه الحادییه کلمه علوم و فنون ترقی ایتدیکه بقای روح علیهنده یکیدن یکیه دلیلر کشف ایتدیکفی ادعا ایدیورسه ده یکیدن بولدیغنی ادعا ایدوب طور دینی دلیلر پک یقیندن تحلیل ایدلیکی حالده ، لاتین شاعری و (طبعه الاشیا) ناظمی لوقرئس [Lucrece] ک اقامه ایتدیکنی منفی برهانلره ذره قدر فضله برشی علاوه ایده مامش اولدینی درحال نظام ایدر .

دیلمک ایسته یورم که فلسفه الحادییه ، الحاله هده بیلکه اساسلی دلیللرینی ، ایکورایله (لوقرئس) ک تقریرلرینه مدیوندر . لوقرئس فلسفه منیفه سی روح حقیقه شویله تقریر ایدیور :

اولا — . روح ، بدنله برلکده طوغیور . و بدنله برلکده یتیشوب بویویور . اک نهایتده بدنله برلکده نابود اولوب کیدیور .

ثانیاً — . روحک آمالی ، ناصل (نشو و عضوی) نك دور شباینده شباب ايله برلکده انکشاف ایدیورسه اولهجه (نشو و عضوی) نك انحطاطی درجه لرینه کوره افول ایتمیه باشلا یور .

ثالثاً — . امراض مادیه دن محاکمه عقلیه دخی متأثر اولیور ؛ رابعا — . امراض عقلیه ، صرف مادی و طبیعی اولان طبابتک تدابیری ايله تدای اولنه بیلور و حتی تشفیه ده ایدیه بیلور . شمعی عضویه بو قدر اساسی و صمیمی علاقه لرله مربوط اولان روح ، عضویتک انفساخ و انحلالندن صوکره نصل وقایه موجودیت ایده بیلر . . .

دوره حاضرده (بقای روح) ی ترویج ایله یان فلسفی جریانک باشلیجه لری (قانت) ايله (لینیچ) ک ایکی مشهور نظریه لری آره سنده دائردر . (قانت) کوره عالم ، بشریتک خیالنده حادث بر طاقم انطباعاتک مجموعه سیدرکه قانونلری ، اشیانک حد ذاتنده کی حقایقه منطبق دکدر . بناء علیه موت بشر ايله برلکده شو خیال دخی نابید اولور کیدر . فقط روح ، حقایقک هویت اساسیه سنده وقایه موجودیت ایلر .

لینیچ (Leibniz) ایسه اساساً حیاتیاتک موتنه قائل دکدرکه بقای روحه منکر اوله بیلستون ؛ شو فیلسوفه کوره موت ، فقای مطلق دکل ، بالعکس [۱] (موناد) ده کی روحک طرز دیکرده و بشقه بر طاقم شرائط ایچنده دوام حیاتی و مابعد حیاتیدر .

لکن بقای روح مسئله سنده شولهدارانه جریانلر ایچنده یورویان فلسفه نك شیمدیکی مکتبلرند یب یکی دیگر بر اختلاف ده اویانمشدرکه بوکونکی کون بالوجوه جالب دقت بر مناقشه مهمه منظره سنده در . بعض فیلسوفلر روحی ، دنیا حیاتیاتک کافه خاطرانیله برلکده اوله رق شخصاً باقی کوستریمکه جالیشیورلرکه فلسفه غربیه نك بر قاچ مدرس لری (بقای بعدالموت) ک بو درلوسی (تناسخ) اوله رق تلقی ایدیورلر . دیگر بر قاچ فیلسوفلر ایسه ؛ بقا ، شخصی دکل ، فردیدر دیلمک ایسته یورلر . فلسفه ده فردیت ايله (L'individualité) شخصیت (La personnalité) کله لری آراسنده کی فرق ، داها وضوح و صراحت آسب ایتدیکه شو مناقشه دخی حل قطعییه طوغرو داها ایلروله یه جکدر .

عصر حاضرک بعض حکما سنه کوره (شخصیت) ک کوکی ، (فردیت) ده ایسه ده فردیت ، پابند احتراض و انانیتدر . اخذ جذر ایتدیکی فردیتدن دائمی تبعاعده ، تجرده میال و متجسر اولسی ده بوندندر . بناء علیه روحک ، موتک تعرضندن مصون جوهری ، لوث بهیمیت ايله مغشوش فردیتی دکل ؛ حقیقه (du Vrai) ، حسنه (de Beau) ، خیره (de Bien) محب و متجسر اولان شخصیتیدر . روحک اوله یین ایشه شو جوهر قدسی سیدرکه بدنندن قطع علاقه ایدرایتمز ؛ (شمس العقول و الارواح) ک شعاع زرنار انظاری آلتنده سرور ابدییه قاوشور قالیر .

عقل سلیم صاحبی بر آدم فارماصون اوله یلیرمی ؟

بلا تردد خایر دییه جکر .

واتعا فارماصونلق بتون انسانیتی اصلاح و تنویر ایتدیکنی وایده جکنی محشم لطفقرله ، حیرتبخش مدایحه اعلان ایدیور . فقط بونلرک ماهیت حقیقه سی نه دن عبارتدر . ایسته بزبونی تدقیق ایدرک ، حقیقتی میدانه چیقارمنه غیرت ایدرک یوقاریده ویردیکنز جوابک محق و صواب اولدیغنی بیان ایده جکر .

ماصونلره عائد غزتلر و کتسابلرله وثیقه لرده تصادف اولنان اختشام لسان بی نظیر بر درجه ده مشعشدر . مثلاً فارماصونلر : « فارماصونلق مقدسدر ؛ بتون انسانیتک منبع نوریدر ، دنیانک کونشیدر . » و اوکا خطاباً « ای مقدس فارماصونلق ، جمله من عادل ، انسانیتپرور و رحیمز . مکمل بر فارماصون برنجی برانساندر » دییورلر . ماصونلرک ضیافتلرنده تکرار اولنان کلمات ، « فارماصونلرک فضیلت ونور ایله اک برنجی انسانلردن اولدوقلرینی » تقریر ایدوب طورییور . اونلرجه ، فارماصونلرک خارجنده یشایان انسانیت قارا کلقرله بامعشدر ؛ فارماصونلق بتون معارف انسانیه بی جامعدر ؛ بتون حکمتی ، بتون کالی ، بتون فضیلتی ، بتون فلسفه بی فارماصونلرک معبدلری تلقین ایدیور .

بونلرک هبسی کوزل . فقط بر کره ماصونلرک بیاناتی کوزدن کچیرم ، ماصونلرک مقر فعالیتنه ، لوجه لرینه کیرم ، اخوانی ایش باشنده کورم ، هیچ بر عبادته بر دینه مربوط اولیان ؛ غریب ، قاریشیق بر حکومت روحانیه نك اصول تشریفاتینه مربوط اولان ؛ عادی انسانلرک اکلا یامیه جنی بر لسان ایله قونوشان ؛ اسرار آلود حیروفات قوللانان بودوانی مشاهده ایدم . هر حاله هیچ اولمازسه بومنظره نك حیرت آمیز اولدیغنی بیان ایتکدن منع نفس ایده میز . هیچ کیمسه بی جرح ایتیهی آرزو ایتماک کیمزه رغما بتون بوشیلرک ، بر مقصد خفی بی ستر ایتماک قصدیه پاییلما مشسه ، جدی بر آدمی علاقه دار ایدم چک بر ماهیتده اولدیغنی سولیکدن واز کچه میه جکر . سیاسیاتده اولدینی کبی فارماصونلرکده اخلا لچی اولان « فلیکس پیات » بتون بوتظاهراتی « مسخره ، عبث ، خرافه » کمانیله توصیف ایتشدی . بز ایسه حقائق عقل سلیم اربابنه عرض ایتماکله اکتفا ایده جکر . عقل سلیم حکمتی ویرسین .

۱

هر کس بیلیر که متعدد ماصون آیینلری وارددر . مصرلی (مصرایم) ، اسقوچالی ، فرانسانک « غران اوزیافق » ودها باشقعلری ، بونلردن هر برینک اوچ درجه اساسیه سی وارددر : شاکردان ، رفقا و اساتید . فارماصون اولمایانلر « عادی » تسمیه اولنور . بوندن ماعدا هر آیینک درجات عالیله اسراری وارددر .

شرع مطهرک بیان بی مانندی ، حیرت آوردر که بوصدده دخی دها علمی ، دها ثبوتی اولقرله برابر شو فلسفی نظریات و مطالعاتک جمله سندن دها یوکسکدر . وحی عزیز ، صدده ایشی تناسخه واردیره جق قدر (فردیت) . قائل اولمادینی کبی تمامیه تجرده و اطلاق کلی به قائل اولمنه مجبور اوله جق قدر شخصیتده دوکومهش و موتدن سوکره باقی قالان هویت روحیه بی بویکی حدک فصل مشترکند . طوته رق مادی و معنوی ثواب و عقاب وعد و انذار ایشدر .

تناسخ ، شرع مطهرک (حظیره الحکمت) نده جای قبول بوله ماز ؛ فلسفه مکتبلرندن تناسخی ، اک کوزل تقدیر ایدن مکتب قدیم ، اسکندریه مکتبی در . شو مکتبک مقتدر فیلسوفلرندن پلوتن (Plotin) بیله بقای روحی ، تقریر ایدرکن درکه لردن قورتاراماش و روحک مقدراتی حقیقه علمی هیچ بر استقامت چیزه مامشدر . علوم عمومیه نك آهنکی ایسه بوکا قطعاً قائل اوله ماز .

حتی عصر اخیرک بقای روحه قائل اولمایان مشاهیر حکما سندن بری « نهوت » روحک بقاسنه قائل دکلم ؛ فقط ابدالآبدین (بقای مترقی) سنده « منکر دکلم » دیمشدر . دیگر بری ایسه هیچ دکله حیات اولسون انجق درجانه طوغرو استقامت کوسترمش و « حیات فردا » انسانیت مستقبله نك ظفر عمومیسنده ، وتولید ابلیه جکی احاطمک مؤسسات عظیمه سنده در ، دییه بر کهانت فلسفه ده بولومشدر .

ایسته کوریلور : ادیان و علوم ، استقبالی ، درکاته طوغرو دکل ؛ انجق درجانه ناظر بر استقامتده چیزییور .

شرع مطهر دخی شو حکمت مهمیه کوره تبشیر بقا بیورمشدر . وحی عزیز ، بقای روحک آفاق ابدیتده اصلاً ارتجاع ودرکه کوسترمیور . بالعکس تربیه و تصفیه دن باشلایه رق دائماً مدارجه ، معارجه و (مشاهد) ایله ملاء اعلایه طوغرو سوق ایلدیکی ارواحی ، دهر الداهرین تعقیب اولونسه بیله قاووشلماسی قابل اولمایان کمال مطلقک غایه الغایاته ناظر بر (جو فردوسی) نك اثیر انورا نورنده شهرکشای شوق وصال بر حیات نعیمی ده آرام ایتدیریور . که علامک (ایده آل) نه نه قدر اویغون بر تشریع حکیم و عالیدر .

اسلامیتک بقای بعدالموت ایچون وعد و تبشیر ایلدیکی عوالم عالییه طائد تفصیلاتک آرزوسنده بولنانلر حضرت . ولانانک شو « کفت [المعنی هو الله] شیخ دین » . بحر معنیهای رب العالمین ، بیت کریمی ایله مهجول ، شیخ الحکماً و العارفین شیخ اکبر محی الدین العربی نك فتوحات مکیه و مدینه سیله سائر آثار جلیله سنه مراجعت ایده بیایرلر .

م . ماهر

صوک